

ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ԳՆԱՆ ՊԱՅՄԱՆԱԳԻՐ
N << ԵՔ-ԳՀԾՁԲ-17/26-1>>

ք. Երևան

« 12 » հոկտեմբերի 2017 թ.

Երևանի քաղաքապետարանը, ի դեմս աշխատակազմի գնումների վարչության պետ Գ.Զթոյանի, որը գործում է Երևանի քաղաքապետի 01.04.2015 թվականի թիվ 956-Ա որոշման հիման վրա (այսուհետև՝ Պատվիրատու), մի կողմից, և «ԷՅԴԻՎԻ ՄԵԴԻԱ ԷՍ» ՍՊԸ-ն, ի դեմս Ընկերության տնօրեն Ա. Աբրահամյանի, որը գործում է Ընկերության կանոնադրության հիման վրա (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է միջոցառումների կազմակերպման ծառայությունների մատուցման պարտավորությունը (այսուհետև՝ ծառայություն)՝ համաձայն սույն պայմանագրի (այսուհետև՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Յանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատուց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 69948000 (վաթսուհինը միլիոն ինը հարյուր քառասունութ հազար) ՀՀ դրամ, ներառյալ ԱԱՀ-ն՝ 11658000 (տասնմեկ միլիոն վեց հարյուր հիսունութ հազար):

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով¹:

¹ Պայմանագիրը «Գնումների մասին» ՀՀ օրենքի 15-րդ հոդվածի 6-րդ կետի հիման վրա կնքված լինելու դեպքում տուգանքը հաշվարկվում է պայմանագրի գնի այն մասի նկատմամբ, որի համար տվյալ տարվա ընթացքում հարկացվել են ֆինանսական միջոցներ և կնքվել է համաձայնագիր:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.8 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.12 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.13 Սույն պայմանագիրը կազմված է 4 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.14 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.15 Սույն պայմանագրով Պատվիրատուի իրավունքներն ու պարտականությունները ՀՀ օրենսդրությամբ սահմանված կարգով իրականացնում է Երևանի քաղաքապետարանի աշխատակազմի մշակույթի վարչությունը:

8. ԿՈՂՄԵՐԻ ՀԱՅՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

Երևանի քաղաքապետարան
ք. Երևան, Արգիշտիի փ. 1
Կենտրոնական գանձապետարան
Հ/Հ 900012410537
ՀՎՀՀ 02593108

Կ Ա Տ Ա Ր Ո Ղ

«ԷՅԴԻՎԻ ՄԵԴԻԱ ԷՍ» ՍՊԸ
ք. Երևան, Վարդանանց 18
«Պրոմեթեյ Բանկ» ՓԲԸ
Հ/Հ 1660004224680100
ՀՎՀՀ 01513906

Գ. Զոթյան



Ա. Արրախանյան



ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

ՀՀ դրամ

հրավեր ով նախա տեսվա ծ չափաբ ածնի համար ը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Օտոայության տեխնիկական բնութագիրը	չափմա ն միավոր ը	ընդհանուր գինը/ՀՀ դրամ	մատուցման	
					հասցեն	ժամկետը**
1	79951110/50	<p>Երևանի հիմնադրման 2799-ամյակին նվիրված Էրեբունի-Երևան տոնակատարությունը ա/թ հոկտեմբերի 14-ին Երևան քաղաքի տարբեր հատվածներում անցկացնելու նպատակով անհրաժեշտ է ապահովել հետևյալ սարքերը, սարքավորումները և մատուցել ծառայություններ ըստ հարթակների.</p> <p>«Մանկական տոնական ծրագրեր» /Կիրովի անվան մանկական զբոսայգի/ Կիրովի անվան մանկական զբոսայգում ժամը 13:00-ից կազմակերպել տիկնիկային ներկայացումներ, զվարճալի խաղեր, մանկական համերգային ծրագիր՝ մանկական համույթների, անհատ կատարողների, հեքիաթի հերոսների կերպարների, խաղավարի և հանդիսավարի, ծաղրածուների, աճպարարների մասնակցությամբ: Նշված ծրագրի իրականացման համար ապահովել հետևյալ տեխնիկական միջոցները.</p> <ul style="list-style-type: none"> • Չայնային սարքավորումներ 20 կվտ, կենդանի ձայնով երգերի կատարման համար անհրաժեշտ սարքավորումներ • Բեմական հարթակ 6x6 մետր չափսերով, ինչպես նաև հարթակի պաստառապատում • Այգու գեղարվեստական ձևավորում <p>Ազգային երգ ու պար, Հյուսիսային պողոտա Հյուսիսային պողոտայում ժ. 14:00 ից մինչև 20:00 ն անհրաժեշտ է կազմակերպել համերգային ծրագիր պզգագրական երգի, պարի, ժողովրդական գործիքների համույթների և անհատ կատարողների մասնակցությամբ: Ծրագիրը հանդիսավարելու նպատակով ապահովել հանդիսավար կամ հանդիսավարներ, ապահովելով հաղորդավարական սցենարը: Համերգային ծրագրին զուգընթաց անհրաժեշտ է կազմակերպել հայկական կիրառական արվեստի բացօթյա ցուցադրություն, ազգային ձեսեր:</p> <p>Ծրագրի իրականացման համար ապահովել հետևյալ տեխնիկական միջոցները.</p> <ul style="list-style-type: none"> • Չայնային սարքավորումներ առնվազն 	դրամ	69948000	Ք. Երևան	մինչև հոկտեմբերի 14-ը

20 կվտ, կենդանի ձայնով երգերի կատարման համար անհրաժեշտ սարքավորումներ,

- Բեմական հարթակի պաստառապատում
- Բեմահարթակ առնվազն 36 քմ մակերեսով,
- Բեմական մետաղական ֆերմաներ 7x5 մետր չափսերով,

«Մեր սիրո քաղաքը» լուսանկարչական տաղավարներ, Կարապի լիճ

Կարապի լճի երկայնքով ժ. 16:00-ից մինչև 20:00-ն անհրաժեշտ է կազմակերպել Երևան քաղաքի վերաբերյալ լուսանկարների ցուցահանդես, ըստ անհրաժեշտության ապահովելով համապատասխան քանակի ստենդներ /լուսանկարները փակցնելու համար/:

Լուսանկարները պետք է լինեն առնվազն 50 X 50 սմ. չափսերով և տպագրվեն կոշտ նյութի վրա: Լուսանկարները և էքսպոզիցիան անհրաժեշտ է նախապես համաձայնեցնել պատվիրատուի հետ:

Դասական երաժշտության համերգ /

Կոնսերվատորիայի հարակից այգի/

Կոնսերվատորիայի հարակից այգում ժամը

18:30-ից կազմակերպել դասական

երաժշտության կատարումներով համերգային ծրագիր պրոֆեսիոնալ անհատ կատարողների, համույթների մասնակցությամբ: Ծրագիրը հանդիսավարելու նպատակով ապահովել հանդիսավար կամ հանդիսավարներ, ապահովելով հաղորդավարական սցենարը:

Ըստ անհրաժեշտության և համերգային ծրագրի մասնակիցների պահանջի ապահովել երաժշտական գործիքներով: Նշված ծրագրի իրականացման համար ապահովել հետևյալ տեխնիկական միջոցները.

- Չայնային սարքավորումներ 20 կվտ, կենդանի հնչեղությամբ երգերի և երաժշտական գործիքների կատարման համար անհրաժեշտ սարքավորումներ,
- Լուսային սարքավորումներ 40 միավոր,
- Բեմական հարթակի պաստառապատում
- Բեմական մետաղական ֆերմաներ 9x9 մետր չափսերով,
- Բեմահարթակ 70 քմ մակերեսով:

«Արևային Երևան» համերգ /«Էրեբունի» պատմահնագիտական արգելոց թանգարանի հարակից տարածք/

«Էրեբունի» պատմահնագիտական արգելոց թանգարանի հարակից տարածքում ժ. 19:00-ից մինչև 22:00-ն կազմակերպել

թատերականացված համերգային ծրագիր

հայաստանյան հայտնի պարային

համույթների, երգիչների, խմբերի

մասնակցությամբ: Համերգային ծրագիրը

վարելու նպատակով անհրաժեշտ է ապահովել

հաղորդավարի և հաղորդավարուհու

մասնակցությունը: Ապահովել համերգային ծրագրի և հանդիսավարների սցենարը, նախապես համաձայնեցնելով պատվիրատուի հետ: Ծրագրի խորագրին համահունչ անհրաժեշտ է մշակել հավաքագրել, մոնտաժել և համերգին զուգընթաց հարթակի ետնամատում մոնտաժված լեդ էկրանին հեռարձակել տեսանյութեր: Ըստ անհրաժեշտության և համերգային ծրագրի մասնակիցների պահանջի ապահովել երաժշտական գործիքներով: Նշված ծրագրի իրականացման համար ապահովել հետևյալ տեխնիկական միջոցները.

- Չայնային սարքավորումներ 45 կվտ, կենդանի ձայնով երգերի և երաժշտական գործիքների կատարման համար անհրաժեշտ սարքավորումներ,
- Լուսային սարքավորումներ առնվազն 50 միավոր,
- Բեմական հարթակի պաստառապատում
- Բեմական մետաղական ֆերմաներ 11x 10 մետր չափսերով,
- Բեմահարթակ 80 քմ մակերեսով:

Ռոք համերգ /Ազատության հրապարակ/
Ազատության հրապարակում ժամը 19:30-ից մինչև 22:00-ն կազմակերպել կենդանի նվագակցությամբ համերգային ծրագիր հայտանյան ռոք համույթների մասնակցությամբ: Ծրագիրը հանդիսավարելու նպատակով ապահովել հանդիսավար կամ հանդիսավարներ, ապահովելով հաղորդավարական սցենարը: Ըստ անհրաժեշտության և համերգային ծրագրի մասնակիցների պահանջի ապահովել երաժշտական գործիքներով և կենդանի նվագակցության համար անհրաժեշտ սարքավորումներով: Նույն հարթակում ժ. 22:00-ից մինչև ժ. 23:30-ը կազմակերպել հայտանյան դի ջեյների /առնվազն երկու մասնակից դի ջեյ/ մասնակցությամբ դիսկոտեկ: Համերգային ծրագրի իրականացման համար անհրաժեշտ է ապահովել հետևյալ տեխնիկական միջոցները.

- Չայնային սարքավորումներ 45 կվտ, կենդանի ձայնով երգերի և երաժշտական գործիքների կատարման համար անհրաժեշտ սարքավորումներ,
- Լուսային սարքավորումներ 50 միավոր,
- Բեմական հարթակի պաստառապատում
- Բեմական մետաղական ֆերմաներ 11x 10 մետր չափսերով,
- Բեմահարթակ 80 քմ մակերեսով:

Ազատության հրապարակի հարակից տարածքում ժ. 22:00-ն իրականացնել առնվազն 4 բուլե տևողությամբ հրավառություն, պահպանելով ՀՀ օրենսդրությամբ սահմանված անվտանգության նորմերը: Հրավառության իրականացման ծրագիրը տեղանքը, ինչպես

նան կրակող նյութերի տրամաչափը և քանակը նախապես համաձայնեցնել պատվիրատուի հետ:

«Երևան սիրո քաղաք» տոնական համերգ /Կասկադ համալիրի տարածք/
Կասկադ համալիրի տարածքում ժամը 20:00-ից մինչև 22:00-ն անհրաժեշտ է կազմակերպել կենդանի նվագակցությամբ համերգային ծրագիր հայաստանյան հայտնի պարային համույթների, երգիչների, խմբերի մասնակցությամբ: Համերգային ծրագիրը վարելու նպատակով անհրաժեշտ է ապահովել հաղորդավարի և հաղորդավարուհու մասնակցությունը: Ապահովել հանդիսավարների սցենարը, նախապես համաձայնեցնելով պատվիրատուի հետ: Համերգի ընթացքում կազմակերպել լազերային գեղարվեստական շոու ծրագիր համապատասխան պարային կատարումների ուղեկցությամբ: Նշված ծրագրի իրականացման համար ապահովել հետևյալ տեխնիկական միջոցները.

- Չայնային սարքավորումներ 40 կվտ, կենդանի ձայնով երգերի և երաժշտական գործիքների կատարման համար անհրաժեշտ սարքավորումներ
- Լուսային սարքավորումներ 60 միավոր,
- Բեմական հարթակի պաստառապատում
- Բեմական մետաղական ֆերմաներ 11x8 մետր չափսերով,
- Բեմահարթակ 54 քմ մակերեսով:
Վերը նշված բոլոր հարթակների մասնակիցների ցանկը, գեղարվեստական մասի ծրագրերը և սցենարները անհրաժեշտ է նախապես համաձայնեցնել պատվիրատուի հետ:

ՊԱՏՎԻՐԱՏՈՒ

Երևանի քաղաքապետարան
ք. Երևան, Արգիշտիի փ. 1
Կենտրոնական գանձապետարան
Հ/Հ 900012410537
ՀՎՀՀ 02593108

Գ. Զթրյան
(ստորագրություն)
Կ.Տ.


ԿԱՏԱՐՈՂ

«ԷՅԴԻՎԻ ՄԵԴԻԱ ԷՍ» ՍՊԸ
ք. Երևան, Վարդանանց 18
«Պրոմթեթեյ Բանկ» ՓԲԸ
Հ/Հ 1660004224680100
ՀՎՀՀ 01513906

Ա. Արամյան
(ստորագրություն)
Կ.Տ.


ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ծառայության															
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2017 թ-ին՝ ըստ ամիսների, այդ թվում**												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
1	79951110/50	Երևանի հիմնադրման 2799-ամյակին նվիրված Էրեբունի-Երևան տոնակատարության կազմակերպման ծառայություններ										69948000	69948000	69948000	69948000

* Վճարման ենթակա գումարները ներկայացվում են ածողական կարգով: Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա սույն ժամանակացույցը լրացվում և կնքվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:

ՊԱՏՎԻՐԱՏՈՒ

Երևանի քաղաքապետարան
 ք. Երևան, Արգիշտիի փ. 1
 Կենտրոնական գանձապետարան
 Հ/Ը 900012410537
 ՀՎՀՀ 02593108

ԿԱՏԱՐՈՂ

«ԷՅԴԻՎԻ ՄԵԴԻԱ ԷՍ» ՍՊԸ
 ք. Երևան, Վարդանանց 18
 «Պրոմեթեյ Բանկ» ՓԲԸ
 Հ/Ը 1660004224680100
 ՀՎՀՀ 01513906

Գ. Զթրյան



Ա. Արթուրյան



Պայմանագրի կողմ

 գտնվելու վայրը _____
 հհ _____

 հվհհ _____

Պատվիրատու

 գտնվելու վայրը _____
 հհ _____

 հվհհ _____

**ԱՐՁԱՆԱԳՐՈՒԹՅՈՒՆ N
 ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐՂՅՈՒՆՔՆԵՐԻ
 ՀԱՆՁՆԱԿԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝ _____
 Պայմանագրի կնքման ամսաթիվը՝ « » « » 20 թ.
 Պայմանագրի համարը՝ _____
 Պատվիրատուն՝ ի դեմս _____ և
 Պայմանագրի կողմը՝ ի դեմս _____, հիմք ընդունելով Պայմանագրի կատարման վերաբերյալ « » « » 20 թ. կազմված՝ գնման հայտը նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.
 Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի /
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

_____ ստորագրություն

 ազգանուն, անուն
Կ.Տ.

Ծառայությունն ընդունեց

_____ ստորագրություն

 ազգանուն, անուն
Կ.Տ.

ԱԿՏ N
 պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
 գնման պայմանագրի շրջանակներում Կատարողը 20 թ. _____-ին հանձնման-ընդունման
 նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն


ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն



ՏՈՒՄԱՆՔԻ ՄԱՍԻՆ ՀԱՄԱՁԱՅՆԱԳԻՐ
(պայմանագրի կատարման ապահովում)

ք. Երևան

«12» հոկտեմբերի 2017 թ

ԷՅԳԻՎԻ ՄԵԴԻԱ ԷՍ ՍՊԸ -ն, ի դեմս Ընկերության տնօրեն Ա. Աբրահամյանի / նույն.քարտ 000682740 տրվ. 15.03.2013 թ. 011-ի կողմից /, որը գործում է Ընկերության կանոնադրության հիման վրա՝ (այսուհետև՝ Ընկերություն), սույնով միակողմանի սահմանում է հետևյալ տուժանքի վճարման համաձայնությունը.

1. Համաձայնության առարկան

1.1 Ընկերությունը մասնակցում է Երևանի քաղաքապետարանի (այսուհետ՝ Պատվիրատու) կողմից կազմակերպված «ԵՔ-ԳՀԾՁԲ-17/26»* ծածկագրով գնման ընթացակարգին:
ընթացակարգի ծածկագիրը

1.2 Որպես գնման ընթացակարգի արդյունքում կնքվելիք պայմանագրի կատարման ապահովում, Ընկերությունը Պատվիրատուին է ներկայացնում սույն տուժանքի համաձայնագիրը և կից վճարման պահանջագիրը՝ լրացված և հաստատված Ընկերության կողմից՝ համաձայն «Կետրոնական բանկի հաստատած՝ «Վճարահաշվարկային գործառնությունների կատարման ժամանակ կիրառվող փաստաթղթերի նվազագույն վավերապայմանների և դրանց լրացման կանոնների»:

1.3 Ընկերության կողմից գնման ընթացակարգի արդյունքում կնքված պայմանագիրը չկատարելու կամ ոչ պատշաճ կատարելու դեպքում Պատվիրատուն սույն տուժանքի համաձայնագիրը և կից վճարման պահանջագիրը (այսուհետ՝ պայմանագրի կատարման ապահովման վճարման պահանջագիր) ներկայացնում է Ընկերությանը սպասարկող բանկին (այսուհետ՝ Բանկ)՝ այդ մասին գրավոր տեղեկացնելով Ընկերությանը:

1.4 Բանկը պայմանագրի կատարման ապահովման վճարման պահանջագիրը ընդունում է կատարման՝ Պատվիրատուի կողմից սույն տուժանքի համաձայնագրի և գնման ընթացակարգի արդյունքում կնքված պայմանագրի չկատարման կամ ոչ պատշաճ կատարման փաստը հաստատող փաստաթղթի բնօրինակները, որոնք նշվում են պայմանագրի կատարման ապահովման վճարման պահանջագրում, Բանկին տրամադրվելու դեպքում:

1.5 Պայմանագրի կատարման ապահովման վճարման պահանջագրում նշված գումարի վճարման հետևանքով առաջացած ռիսկերի (Ընկերության կրած վնասների) համար Բանկը պատասխանատվություն չի կրում:

1.6 Սույն համաձայնագիրը և կից պայմանագրի կատարման ապահովման վճարման պահանջագիրը Բանկ ներկայացնելուց հետո, Բանկից անկախ պատճառներով, տասն աշխատանքային օրվա ընթացքում Պատվիրատուին գումարը չվճարվելու դեպքում, Պատվիրատուն չվճարման հետ կապված Ընկերության մասին տեղեկությունները փոխանցում է «ԱՔՌԱ Քրեդիթ Ռեփորթինգ» ՓԲԸ (Վարկային բյուրո):

2. Այլ պայմաններ

2.1 Սույն համաձայնագիրը ուժի մեջ է մտնում Ընկերության կողմից վավերացման պահից և վավեր է Ընկերության կողմից կնքվելիք պայմանագրով ստանձնվող պարտավորությունները ողջ ծավալով կատարելու վերջին օրվան հաջորդող 10-րդ աշխատանքային օրը ներառյալ:

2.2 Սույն Համաձայնագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:


3. Ընկերության հասցեն, բանկային վավերապայմանները՝

ԷՅԳԻՎԻ ՄԵԴԻԱ ԷՍ ՍՊԸ
ք. Երևան, Վարդանանց 18
«Պրոմեթեյ Բանկ» ՓԲԸ
Հ/Հ 1660004224680100
ՀՎՀՀ 01513906

Ա. Աբրահամյան

(ստորագրություն)



1. ՎՃԱՐՄԱՆ ՊԱՀԱՆՋԱԳԻՐ² N (պայմանագրի կադրաման ապահովում)	
2. Ներկայացման ամսաթիվը՝ "___" ___ 20___թ.	
3. Ընկերություն (այսուհետ՝ վճարող)՝ «ԷՅԴԻՎԻ ՄԵԴԻԱ ԷՍ» ՍՊԸ	
4. Վճարողի բանկը՝ «Պրոմբեյ Բանկ» ՓԲԸ	
5. Վճարողի հաշվի համարը՝ Հ/Հ 1660004224680100	
6. Վճարողի ՀՎՀՀ՝ 01513906	
7. Վճարողի ՀԾՀ՝	
8. Շահառու՝ Երևանի քաղաքապետարան	
9. Շահառուի ՀՎՀՀ՝ 02593108	
10. Շահառուի բանկը՝ Կենտրոնական գանձապետարան	
11. Շահառուի հաշվի համարը /հշ. N/ 900015211429	
12. Գումարը թվերով և բառերով՝ 6994800 /վեց միլիոն ինը հարյուր իննսունչորս հազար ութ հարյուր /	
13. Արժույթը (բառերով և կոդով)՝ ՀՀ դրամ AMD	
14. Գործարքի /վճարման/ նպատակը՝ (պայմանագրի կադրաման ապահովում)	
15. Պայմանագրի ծածկագիրը՝ «ԵՔ-ԳՀԾՁԲ-17/26-1»	
16. Փաստաթղթերի անվանումը, դրանց համարները, տրամադրման պայմանը	
17. կից՝---	էջ
19.ա. Շահառուի ստորագրությունները /_____ /_____ Կ.Տ.	18.ա. Վճարողի ստորագրությունները՝  /_____ Կ.Տ.
19.բ. Կատարված է շահառուի բանկի կողմից Կ.Տ.	18.բ. Կատարված է վճարողի բանկի կողմից Կ.Տ.
20.ա. /ստորագրություն/ Կ.Տ.	21.ա. /ստորագրություն/ Կ.Տ.
20.բ. "___" ___ 20___թ.	22. Կատարման ամսաթիվը՝ "___" ___ 20___թ.

² Վճարման պահանջագիրը լրացվում է համաձայն սույն հրավերով սահմանված «Վճարման պահանջագրի պարտադիր վավերապայմանների և լրացման կարգի»: